

Agapito Gomez di seccion di Educacion y Ciencia di Parke

# No sa con grandi e poblacion di shokota na Aruba



ORANJESTAD (AAN) Den combersacion cu Agapito Gomez, di seccion di Educacion y Ciencia di Parke Nacional Arikok, a duna un splicacion di e importancia di Shoko pa e medio ambiente. Shoko, el a splica cu pa Aruba su biodiversidad Shoko tabata un di e principal parhanan debi cu e tabata come raton, p.e., cu tabata causa daño na esaki. "Nos balans tabatey, pero awor nos tin problema ainda cu e boa, construccion, bashamento di mondi abou." E shoko ta come principalmente raton, lagadishi y pega-pega.

Gomez a splica cu tin otro problema cu nan a constata. Hopi biaha e hendenan ta pone veneno pa djaka y raton pero e animalnan aki no ta muri di biaha. Pero si shoko come e animalnan ey cu a come e asina yama "habon blauw", e shoko tambe ta muri. "Ora cu nos haya e shokonan malo, ta laat caba y no por haci nada mas pa nan," segun Gomez.

Aunke cu e shoko ta e simbolo nacional, no a haci un conteo di e poblacion di shoko. Si e por bisa cu riba tur 18 di maart, tin un conteo di parhanan en general.

resulta cu tin famia a bolbe atrobe cu nan neishi na hospital. "Shoko ta traha su neishi unda tin cuminda, esta unda tin raton y lagadishi. Pesey den area di hotel nan ta traha neishi," Gomez a splica. Y a agrega cu shoko no ta ataca hende.

E funcionario a bisa cu comunidad mester compronde cu mester protege shoko. Ademas cu nan ta semper den pareha, esun muhe semper ta den buraco ta cuida e webo of e yiunan y e macho semper ta pafo ta vigila y cuida su famia. Nan tin diferente luga unda nan ta busca nan neishi, principalmente e mester ta areanan hol y unda cu tin cuminda den bisindario. Parke sa duna informacion den forma regular na studiantenan riba con pa protege shokonan y nan neishi. Practicamente tur siman nan tin algo den forma educativo pa scol of studiantenan, no solamente riba shoko, pero tur animal cu ta forma parti di medio ambiente di Aruba. Gomez ta desea cu mas por wordo haci pa protege e shoko den naturalesa di Aruba. Un tempo hasta a pensa di cumpra fontein y haci e area un research center pa broei parhanan cu nan poblacion a keda reduci, pero esaki no a bay door.

